

ՊԱՇՏՈՆԱԿԱՆ ԸՆԴԴԻՄԱՆՈՍԻ ԿԱՐՄԻՔ

Գոյոժի Քեշավարզ Ռաբարի « Հայ-Իրանական քաղաքաշինական առնչությունները Մ.թ.ա 8-րդ-Մ.թ. 7-րդ դարերի ճարտարապետության համատեքստում» թեմայով ԺԸ.00.01 «ճարտարապետություն» մասնագիտությամբ ճարտարապետության թեկնածու իզիտական աստիճանի հայցման համար

Գոյոժի Քեշավարզ Ռաբարիի ատենախոսությունը „ՀԱՅ-ԻՐԱՆԱԿԱՆ ՔԱՂԱՔԱՇԻՆԱԿԱՆ ԱՌՆՁՈՒԹՅՈՒՆՆԵՐԸ Մ. Թ. Ա. 8-Ը - Մ.Թ. 7-Ը ԴԱՐԵՐԻ ԸՆԴՈՒՆՄԱՆ ԿԱՐՄԱՆ ԳՆԱՆՈՒԹՅԱՆ ՀԱՄԱՍԵՔՍՏՈՒՄ„ վերնագրով, բաղկացած է ներածությունից, երեք գլուխներից, ընդհանուր եզրակացությունից, գրականության ցանկից, նկարացանկից և հավելվածներից: Գիտական ղեկավարն է Ճ.դ. Պրոֆեսոր Դ.Գ.Քերթմեջյանը:

Ներածությունը: Հեղինակը ներածության մեջ մինչև ատենախոսությանբուն նպատակին անցնելը կարևորում և ներկայացնում է երկու կարևոր հանգամանք, որոնք հիմնաքարային են բոլոր հնագույն մշակույթ ունեցող ժողովրդների պատմության ընթացքը պատկերացնելու համար: Դրանք են լեզուն, լեզվի մեջ պահպանված բառերը, որոնք բնորոշում են քաղաքը-քաղաքակրթությունը, գյուղը-որպես առանձին բնակելի միջավայր և նույնիսկ թաղերը, որ հետագայում մաս են կազմել քաղաքին: Մյուս կարևոր հանգամանք, որը ուշադրություն է գրավում ներածության մեջ կենսատալի նկարագրություններն են, որը էական նշանակություն է ունեցել քաղաքակրթության ծագման և զարգացման համար:

Ատենախոսության նպատակն է:

Բաժնում գրում է

„ համեմատական կարգով և վերլուծականորեն ուսումնասիրել Հայաստանի և Իրանի համապատասխան բնակավայրերը՝ ներդնելով դրանց տվյալները ժամանակաշրջանի

իշխող սկզբունքներում, ինչպիսիք են **հունական, հռոմեական և հելլենիստական քաղաքաշինական** առանձնահատկությունները, որոնք հիմք են ծառայել ողջ մարդկային պատմաքաղաքաշինական մշակույթի կերտման գործընթացներում,:

Շամաշխարային քաղաքաշինության պատմության կարևոր հանգույցներից է Միջագետքի բնակավայրերի կազմավորումը, որում կարևորվում են **պարսկական և հայկական** համապատասխան ժառանգությունները

- Իրականացվել է **լանդշաֆտի** և քաղաքային հատակագծումների առանձնահատկությունների և հորինվածքի ձևերի ուսումնասիրություն:

Դիտարկվել են **«քվադրանտային»** հորինվածքով քաղաքները, որոնց ուսումնասիրությանն անդրադարձել են բազմաթիվ գիտնականներ. իրանական համապատասխան քաղաքների ուսումնասիրություններն ամփոփվել են Ա. Ու. Պոպի աշխատության գաեազան մասերում (1964):

ԱՌԱՔԻՆ ԳԼՈՒԽ: շեղիևակը անդրադարձ կատարելով մի բավականին և գուցե նաև կարևոր տեւակետի մեջբերում է Ռիչարդ Ֆրայը, ևրբ գրում է. «Որքան էլ դա պարադոքսալ թվա, բայց չին Իրանի պատմությանը վերաբերող աղբյուրներին սակավությունը նաև հարաբերական առավելություն ունի, որովհետև Իրանի հետավոր անցյալի մասին ցանկացած, թեկուզ և չնչին տեղեկություն ձեռք է բերում առավել մեծ նշանակություն ու հնչեղություն, քան, օրինակ, գրավոր աղբյուրներով շատ ավելի հարուստ ու պատշաճ յուսաբանված հին եգիպտական, անտիկ հունական ու հռոմեական շրջանների պատմության վերաբերյալ, դրան առնչվող նյութական մշակույթի որևէ նորահայտ առարկա, արձանագրություն կամ առանձին բառ»:¹ Շավանաբար հենց այս մտտեցումն է, որ ատենախոսին ստիպել որպես թեկնածուական թեմա ընտրել և լծվել աշխատանքի նման բարդ թնչուկներով լեցուն, մեծի մասամբ քիչ հետազոտված (Իրանի խոր անցյալի հետ կապված) խնդիրների յուրովի բացահայտմանը: Առաջին զվխում ատենախոսը երկու պատմական իրողություն է արձանագրում, որոնք կարևոր վկայություններ են **պետականության և ընդհանուր մշակույթային դաշտի**

¹ Fize, R., The history of ancient Iran, Munchen, Vesladsbuchhandlung, 1984, P. 13-14

ձևավորման և հզոր քաղաքակրթության գոյության առումով: Հենց այս պահից էլ սկսվում է գուտ իրանական պետականության և ազգի պատմությունը: Դրանք են՝ .. Հայտնի է, որ հին իրանցիները զրադաշտականության հետևորդներ էին, որի մասին վկայում են կառուցված հնագույն մեհյանային շինությունները:.. ապա..Իրանը կոչվել է «Aryan» կամ «Aryanshahr», որ նշանակում է արիների կամ արիացիների երկիր: Հետագայում ավեստական «Aryan» բառը փոխակերպվել է «Faran»-ի, որից էլ բխում է «Իրան» ձևակերպումը:² .. Ընդհանուր առմամբ այս ատենախոսության այս գլուխը ամբողջությամբ համապատասխանում է .. ԸՆԴՀԱՆՈՒՐ ԴՍՏԱՍԵՏՍԱԿԱՆ ԱԿՆԱԴԿ ԵՎ ՄԻՋԱԶԳԱՅԻՆ ՋՈՒԳԱՀԵՌՆԵՐ, վերնագրին:

ԳՐՈՒՆ ԵՐԿՐՈՐ: Երկրորդ գլուխը վերնագրված է ՔԱՂԱՔԱՇԻՆԱԿԱՆ ՄՇԱԿՈՒՅԹԻ ՁԵՎԱԿՈՐՈՒՄԸ ԻՐԱՆՈՒՄ , Մ. Թ. Ա. 8-Ը - Մ. Թ. 7-Ը ԴԱՐԵՐՈՒՄ : Այն սկսվում է Աքեմենյան, Պարթևական ու Մասանյան դինաստիական հարստությունների քաղաքաշինական ժառանգությունից, դիտարկվում հելլենիստական ազդեցությունները և միջնադարյան քաղաքշինության առանձնահատկությունները: .. Շքեղ ու տպավորիչ արքեմենյան ճարտարապետությունն իր ողջ յուրատիպությամբ հիանալիորեն է արտացոլված հենց Պերսեպոլիսում., այս դիպուկ բնութագրմամբ հայցվորը մանրակրկիտ նկարագրում է ամբողջ քաղաքաշինական անտիկ հրաշալի և նախածային սկզբունքներով կառույցը: Առանձին անդրադարձներ են կատարվել գործառնական բնույթի բոլոր կառույցներին արքայական պալատը, գանձարանը, կանաչ համար հատկացված „թագուհիների պալատը., և այլն: Ինքնին, ատանևախոսության այս հատվածը այնքան տեղեկատվություն է հաղորդում ընթերցողին, որ ակամայից մտածում ես թե այս նկարագրությունների գիտական վերլուծությունը ինքնին արդեն իսկ ատենախոսության առանձին թեմա է: Կատարվել են այլ քաղաքների և այլ ժողորդների ճարտարապետության ձեռքբերումների անդրադարձներ, որոնք ավելի վստահելի են դարձնում հեղինակի բազմակողմանի հետազոտություններ արժանահատությունը և կատարած ծավալուն աշխատանքը: Գլխի եզրակացությունների մեջ .. Հին Իրանի վաղագույն քաղաքների ֆիզիկական ձևագոյացումն ու կառուցվածքը կապված է եղել բնակլիմայական, աշխարհագրական, ռազմական ասպեկտների, առևտրային,

² Encyclopaedia Iranica, vol. VIII, Costa Mesa, Mazda, California, 1999, P. 533-534

քաղաքական, կառավարչական, հանդիսավորության կամ ծիսականության գործոնների, ինչպես նաև հասարակության մշակութային ու սոցիալական առանձնահատկությունների, կրոնի, հոգևոր հավատալիքների ու ավանդույթների հետ,, (կետ1) հիմնավորումներով հաստատագրված տեսակետ է, որին հետևող մնացած եզրակացությունները լուրջ հաստատում են և ամբողջացնում են առաջին կետում արված հետևությունները:

Երրորդ գլուխը կրում է „ԱՅԿԱԿԱՆ ՔԱՂԱՔՆԵՐԸ Մ.Թ.Ա. 8-ԸՂ - Մ.Թ. 7-ԸՂ ՉԱՐԵՐԸ,,: Գլխում ներկայացված են , որտեղ ենթադրվում է ներկայացված են ուրարտական, այնուհետև երվանդունիների, հելենիստական, պարթևա-հռոմեական և Վաղ միջնադարյան պայմանական շրջափուլերը: Հեղինակը օգտվել է բազմաթիվ հեղինակների աշխատություններից, այդ թվում՝ Ն.Մառ, Շուլց, Ռեյնոլդս, Օրբելի, Բ.Պիտտրովսկի, Կ. Հովհաննիսյան, Գ. Տիրացյան, Հ. Ավետիսյան, Ֆ. Տեր-Մարտիրոսով, Մ. Բաղդասյան, Վ. Քյայս, Տ. Ֆորբս և նկատելի նրա մասնակցությունը Հայաստանի Հանրապետության տարածքում իրականացված հնագիտական պեղումներին և տեղյակ է այդ պեղումների րնթացքում ձեռք բերած հնագիտական նյութի բնության այդպիսի տարբեր գիտնականների կատարած եզրակացություններին: Կարևոր մեջբերում է Վաղարշապատի մասին հեղինակի ձևակերպումը „Աղյուրագիտական տվյալներով Վաղարշապատի անառիկությունը պայմանավորված է եղել նրա պաշտպանական համակարգով, ամրակոծ պարսպապատերով ու փորված խանդակներով,,- չափազանց բնութագրական է հարթավայրային լանդշաֆտների տարածքում կառուցված քաղաքների պաշտպանության խնդրի լուծման համար:

Շնչումախոսի քննական վերլուծությունները

Հունական արձանագրություն ունեցող քարանձավային տաճարը Կամիլա Տրեվերը համարում է Վահգնի և ոչ Հերակլեսի տաճար(Թախո Ի Մուլեյմանի), իսկ մենք արդեն գիտենք, որ Եղևգնիկից, ջրից ու կրակից ծնված Վահագնի առասպելը հասնում է մինչև Շումեր: Տես՝ Օբսիդոլդի համալսարանի բառարանը: Գրեթե 2000 տարի անց գրի է առել Խորենացին: Այսինքն թե Լեհման Հաուպտի տաճարի հելլենիստական ծագման և թե Տրեվերի

տեսակետը Հայկական ծագման վերաբերյալ թեական է իսկ որ **տաճարը պարսկական է՝ եվրոպայի գիտական միտքը չի քննարկել:**

1. Արատտայից մենք ոչ մի գրավոր տեղեկություն չունենք, բայց „Էնմարգարը և Արատտան,, եպիկական ստեղծագործության մեջ ներկայացնում է գրի գյուտը, որի շնորհիվ քանազնացը Շումերի և Արատտայի թագավորների խոսքը ճշգրիտ հասցնում էր: Ընդ որում քանազնացը Շումերից Արատտա ճանապարհը անցնելու համար, հաղթահարում էր գետեր և դժվարանցելի լեռներ: Նույնը մենք տեսնում ենք Գիլգամեշի էպոսում: Այսինքն Արատտան Շումերից հյուսիս – արևելք էր և ոչ հարավ, պարզ մի պատճառով, դեպի հարավ ծովն էր: Ընդ որում **արդեն կան քավագանին գիտական հրատարակումներ, որոնք Արատտան տեղագրում են Հայկական Լեռնաշխարհում(Գավուկյան, Մովսիսյան, Դավթյան, Սարգսյան և այլն):** Նման տեսությունը ի հայտ է եկել միայն 20-երրորդ դարում և բնականաբար բացակայել են մինչև 20-երրորդ դարի վերջը եղած գիտական հրատարակություններում: Այս մեջբերումները են բերում եմ միայն մեկ պատճառով՝ գիտությունը առայժմ չափազանցեցնում է հելլենիստական ազդեցությունները մշակութային արևելքի նկատմամբ: Չմոռանանք նաև որ հելլենիստական ճարտարապետական մշակույթը առանձնապես առանձնապես օրդերների առումով ժառանգորդն է Կրետեի, կամ 2-րդ հազարամյակի միջերկրական մշակույթի:

2. Հեղինակը չափազանցեցնում է նաև հիդրոինժեներական կառույցների, ակվեդուկների ճարտարագիտական տեխնոլոգիական հնարքները կապելով հունական, կամ հռոմեական ինժեներական մտքի ազդեցության հետ: Կյուրոսի արքայության ժամանակներում լեռնային և կիսաանապատային տեղանքում կառուցվել է ջրատար (քարվեզ) մինչև 162կմ երկարությամբ: Իրանական ամբողջատիրությունը նվաճել էր Միջագետքը և բնական էր որ, ինժեներական մտքի և կոնստրուկցիաների ամբողջ գիտելիարքները անմիջապես սկսել է ներդնել իր լայնատարած միապետության ամբողջ տարածքում, իսկ այդ գիտությունները ձևեր էին բերվել Շումերից սկսած 2000տարի (Տես Դավթյան Ա. 2022): **Մշակույթը, առանձնապես ճարտարագիտական մտքի զարգացումները ներթափանցման մեծ ընդունակություն են ունեցել այն ժողովուրդների դեպքում, որոնք իվիճակի են եղել ընկալելու այս կամ այն ինժեներական մտքի կարևորությունը ու ներդնելու իրենց առօրինակում:**

4. Ազգերի ձևավորումը ուղակիորեն կապված է որոշակի տարածքում լեզվի, մշակույթի և ավանդաբար ձևավորված և պահպանվող սովորությունների ընդհանրականով: Պետության ձևավորման համար, որպես կանոն, պարտադիր պայման էր կրոնը, որը թե պարսիկների և թե հայերիս համա միաստվածությունն էր: Նախնական մշակույթի ազդեցությունը ահռելի է ապագա զարգացումների ձիրում: Միաստվածությանը հայերը փորձեցին պետականորեն անցնել 31թվականին(Աբգար թագավոր), սակայն դա հաջողվեց միայն 301թ, ընդ որում պահպանելով ավանդական կրոնական տոնացույցը, որը անխափան գործում է առ այսօր: Պարսիկները զրադաշտությունը ընդունելուց հետո Ավեստան փոխեցին Ղորանով պահպանելով մեկ Աստծո գաղափարը: Պնդել թե բազմաստության ահռիլ պանթեոնով հեյլենիստական մշակույթը պիտի խոր արմատներ գցեր իրանական ժողովրդի հոգում ավելի քան քիչ հավանական է: Այնպես որ ճարտարապետությունը, որպես մշակույթի կարևորագույն մի ճյուղ հեյլենիստական դիմագծեր կարող էր պահպանել միայն իշխանությունների կողմից բռնությամբ, ինչը տեղի է ունեցել մ. թ. ա. 2-1-ին դարերում Հայաստանում, քաղաքական հիմնավումներով անկախության պահպանման նպատակով մինչև 1-3-րդ դարերը:

5. Հասարակական զարգացումները անտիկ ժամանակներում հիմնականում պայմանավորված էին պետություն ունենալու հանգամանքով:

14-րդ էջում հեղինակը հղում է կատարում նկար 1-ին որը քարտեզ է: Քարտեզի աղբյուրը նշված չէ: Սրան հետևող նկ3,4, 13 նույն խնդիրն ունեն. իսկ Նկ 4 և 13 (Հին Աթենքի և Պերգամոնի հատակագծերը, չնայած առկա է մասշտաբը, բացակայում է լանդշաֆտային իզոգոները, որը էական է ինչպես ճարտարապետների, շինարարների այնպես էլ հնագետների համար)

Կարծիք: Կարծիքը ընդհանուր առմամբ դրական է: Հեղինակը պարսկերենից գատ` օգտվել է այլ լեզուներով ավելի քան 100 աշխատություններից, աշխատանքային կարգով ծանոթ նկարագրվող հուշարձանների մեծ մասին, մասնակցել է հնագիտական պեղումներին Իրանի Իսլամական Հանրապետությունում և Հայաստանի Հանրապետությունում: Հետազոտությունները և գիտական արդյունքների վերլուծությունը իրականացված որակով, փատճառահետևանքյին կապերի տրամաբանությամբ և նյութի հիմնավոր իմացությամբ:

Գրականության ցանկում ընդգրկված աղբյուրների բավականին մասը նոր հետազոտությունների արդյունքներն են:

Այս էության թերությունները գիտական մոտեցման խնդիրներ են, որոնք կարելի է վիճարկել, բայց ոչ մերժել: Գրված է զեղեցիկ հայերենով, տառասխալներ չեն նկատել: Հավաքված նյութը և մեկնաբանությունները կարող է գրքի վերածվել, քանի որ եղած գիտական նյութը բավականին շատ է, վերլուծությունները իրականացված են գիտական հիմնավորման սկզբունքով, եզրակացությունները հիմնականում վերջերս իրականացված հեզիտական պեղումների և հետազոտությունների հիման վրա:

Կարծում եմ, որ ատենախոսը ԳՈԼՈՒՄ ՔԵՇԱՎԱՐՁ ՌԱԶԱՐԻՆ Բավարար մասնագիտական կարողություններ ունի և ատենախոսությունը ԳՈԼՈՒՄ ՔԵՇԱՎԱՐՁ ՌԱԶԱՐԻՆ, ՀԱՅ-ԻՐԱՆԱԿԱՆ ՔՄԱՍՔԱՇՆՆԱԿԱՆ ԱՌՆՉՈՒԹՅՈՒՆՆԵՐԸ Մ. Թ. Ա. 8-ԸՒ - Մ. Թ. 7-ԸՂ ԴԱՐՆԵՐԻ ՃԱՐՏԱՐԱՊԵՏՈՒԹՅԱՆ ՀԱՄԱՏԵՔՍՏՈՒՄ, Բավարարում է ԺԸ.00.01 - «Հարտարապետություն» մասնագիտությանը ճարտարապետության թեկնածուի գիտական աստիճան շնորհմանը:

Ճ.դ., Ավագ գիտաշխատող
ԳԷԿ ստրիկոնի պրոֆեսոր

Ս.Ս. Ծահիկյան

Ս.Ս. Ծահիկյանի ստորագրությունը

Հաստատում եմ՝ ՃԵՀԱԶ գիտական

քարտուղար տ.գ.թ. դոցենտ



Ի. Հ. Լևոնյան

15.11.2024 թ.